



UNIVERSITÄTS-
BIBLIOTHEK
PADERBORN

**Bellum Sacrum Ecclesiae Militantis Contra Turcum
Communem Hostem Christianorum**

Vaux, Léonard de

Leodii, 1685

Numerus Quintus. Incarnatio Verbi est novum Trinitatis Opus, per quod
facta sunt omnia nova.

[urn:nbn:de:hbz:466:1-64991](https://nbn-resolving.org/urn:nbn:de:hbz:466:1-64991)

NUMERUS QUINTUS.

*Incarnatio Verbi est novum Trinitatis
Opus, per quod facta sunt
omnia nova.*

§. I.

Hoc est Mysterium Verbi In-
creati & Incarnati, hoc est no-
vum admirabile opus excelsi,
quod omnia in se includit. Divinitatem
& Humanitatem in Persona Verbi
uniens, inseparabili vinculo unionis
hypostaticæ; hoc in Mysterio Verbi
Incarnati, continentur omnia mirabi-
lia Dei, omnipotentia, sapientia &
bonitatis; imò tota Trinitas Increa-
ta, secundum plenitudinem Divinita-
tis suæ inhabitat substantialiter in
Christo JESU. Hoc enim in Mysterio
Incarnati Verbi refulget Majestas Di-
vinitatis unius in triplici divina hypo-
stazi residentis. Audiatur Bernardus
Sermone tertio, in vigilia Nativitatis
JESU-CHRISTI: Quem Virgo Dei
Genitrix peperit & reclinavit in præ-

sepio, quia non erat ei locus in diver-
 forio. Verba Sancti Doctoris hæc sunt:
 Sicut in illa singulari Divinitate Trini-
 tas est in Personis, unitas in substan-
 tia; sic in ista speciali commixtione in
 Christo Trinitas est in substantiis,
 unitas in Persona. Et sicut ibi Perso-
 næ non scindunt unitatem, & unitas
 non minuit Trinitatem; ita hîc Per-
 sona non confundit substantias, nec
 substantiæ ipsæ Personæ dissipant uni-
 tatem. Summa illa Trinitas hanc no-
 bis exhibuit Trinitatem: opus mira-
 bile, opus singulare inter omnia, &
 super omnia opera sua. Verbum enim,
 anima & caro, in unam convenere
 personam, & hæc tria unum sunt, &
 hoc unum tria, non confusione sub-
 stantiæ sed unitate Personæ. Benedi-
 cta sit ergo Sancta Trinitas, atque in-
 divisa Unitas, confitebimur ei, quia
 fecit nobiscum misericordiam suam:
 Deus unus & trinus, Trinitas Divina,
 magnam misericordiam fecit à princi-
 pio extrahendo hominem de nihilo per
 creationem, majorem fecit misericor-
 diam homini post prævaricationem,
 non illum damnando cum Angelis a-

postatis, sed promittendo ei mediato-
 rem, reparatorem omnium malorum
 peccati, & auctorem omnium bono-
 rum: maximam verò summam & in-
 finitam misericordiam suam exaltavit
 Trinitas Divina in Mysterio Incarna-
 tionis Verbi, quod est maxima sum-
 ma & perfectissima communicatio Di-
 vinitatis ad extra, & in quo sunt om-
 nia summa tripliciter, videlicet summa
 exinanitio Divinitatis, cum summa
 exaltatione Humanitatis: summa pu-
 ritas Virginitatis, cum summa fœ-
 cunditate Maternitatis: & summa pu-
 nitio iniquitatis, cum summa demon-
 stratione infinitæ dilectionis Sanctissi-
 mæ Trinitatis. Sic Deus unus trinus,
 Deus charitas, dilexit mundum ut in
 Christo J E S U Deo-Homine exina-
 nito, Crucifixo, Glorificato, omnia
 omninò in illo nobis donaverit. Per
 illum, inquit, Princeps Apostolorum
 maxima & pretiosa promissa nobis do-
 navit, ut efficiamur consortes Divinæ
 naturæ: Deus enim, inquit Augusti-
 nus, factus est homo, ut homo fieret
 Deus.

In Trinitate Increata tria sunt sum-

ma. Unitas essentiæ, Trinitas Personarum; æqualitas in omnibus & per omnia ò infinita Unitas! infinita Trinitas! infinita æqualitas! Hoc in mysterio, omnia sunt infinitè summa, nimirum summus numerus, summum pondus, & summa mensura. In hac Trinitate Increata omnium creatrice, est summus numerus seu infinitè perfecta distinctio trium Personarum: Patris cujus notio est producere sibi similem; Filii cujus notio, est generari; Spiritus Sancti cujus notio, est unire. In illa Trinitate est summum pondus quo tres illæ Personæ infinitè uniuntur per amicitiae æternæ vinculum. In illa Trinitate est summa mensura infinitæ æqualitatis inter illas tres Personas Divinas, quæ indivisibiliter eandem habent substantiam Divinitatis unicæ, quæ eadem omnino est in tribus illis Personis Divinis, consubstantialibus, coæternis, & coæqualibus per omnia, & in omnibus iisdem perfectionibus simpliciter simplicibus, sine ulla differentia discretionis, aut minoritatis inter illas tres Personas quæ perfectissimè unum sunt. Porrò Deus,

unus, trinus, in omnibus creaturis
 suis, hanc impressit Trinitatis suæ ef-
 figiem: sic ut quæ sunt magis perfe-
 ctæ, illam perfectius repræsentent.
 Quid enim est hæc Universitas totius
 mundi, nisi admirabile opus Excelsi,
 revelatio Altissimi omnipotentis Dei
 unius & trini: opus compositum ex
 innumeris rebus distinctis ab invicem,
 per numerum determinatum à tribus
 Personis Divinis, ordinarum per
 pondus singularum, & conservata-
 rum in suo ordine, per mensuram
 sympathicam, qua invicem tam aptè,
 tam fortiter suaviterque constringun-
 tur, ut unum facere videantur, ma-
 nentes singulæ distinctæ in suo ordine
 pacifico. Dei ergo perfecta sunt om-
 nia opera, qui in numero, pondere, &
 mensura omnia fecit in mundo uni-
 verso, in quo nullibi sunt plura ut
 plura, confusa sine ordine; sed per-
 fectè ordinata ad unum, ut invisibi-
 lia Trinitatis Divinæ, per ea quæ facta
 sunt visibilia conspiciantur, & à ma-
 gnitudine speciei & creaturæ cogno-
 scibiliter possit Creator omnium inve-
 niri: cujus gloriam Cœli & stellæ

stantes in ordine suo enarrant; cuius nomen tam admirabile est in universa terra, ut solus stultus non cognoscat Creatorem suum, & solus insipiens non intelligat: similis jumentis insipientibus, sicut equus & mulus quibus non est intellectus. In pulchritudine igitur, in numero, pondere & mensura rerum creatarum, pulchritudo quaedam admiranda Divinae naturae conspicitur. Omnis natura exclamat ostenditque Creatorem suum: quot entia tot ora quae praedicatione perpetua sui majestatem loquuntur auctoris: in paginis elementorum, & voluminibus temporum communis & publica Divinae institutionis doctrina legitur: utque omnia Sapientum hac super re effata in unum colligam, verbis utar Eminentissimi cujusdam Ecclesiae Principis, qui ingenio, sapientia, & eloquentia, eximiisque virtutibus, clarior est quam purpura. Hic in suis Thesibus pag. 2. totum quod illi pluribus dixerunt uno verbo exprimit: *Divinae existentiae, innata rerum creatarum eloquentia, efficax est demonstratio.*

§. II.

QUæ omnia licet verissima sint, nihil tamen in toto mundo visibili & invisibili, nihil in terra, in Cœlo, in hominibus, in Angelis, invenitur, quod Divinam Essentiam, & Existentiam, ac Majestatem Divinitatis unius, in triplici Divinarum Personarum hypostasi residentem, augustius, & perfectius nobis repræsentat, quam Verbi Incarnati Mysteriorum, quod solum omnia in se uno, perfectissimè continet: in hac Trinitate communicata per Verbum Incarnatum in Utero Virgineo, solius Altissimi omnipotenti virtute consummata: Tria sunt summa & summè unita, atque unicum Christum, Deum-Hominem constituentia. Unitas Personæ Divinæ Increatæ Verbi Dei, consubstantialis, coætèrni, & coæqualis Patri secundùm Divinitatem, & Trinitas diversarum substantiarum, scilicet Divinitatis, Animæ, & Carnis Christi, & unio perfecta substantialis & hypostatica trium illarum sub-

D

stantiarum, indissolubili, ineffabili, incomprehensibili illo vinculo, in eodem toto composito, in uno Christo subsistentium, per unicum Divinam Personam, Verbi Incarnati, Unigeniti Filii Dei, qui quod semel assumpsit hypostaticè sibi unitum, nunquam dimisit. O Mysteria Adoranda! ô abissus Triadis Increatæ, & creatæ in Christo JESU! ô profunditas profunditatum! ô incomprehensibilitas Majestatis ejusdem Divinitatis in Trinitate increata, & infinitæ Majestatis, Potentiæ, Sapientiæ ac Pietatis, Dei vivi, in Mysterio Incarnationis; sed quod nullus intellectus creatus potest comprehendere, omnes Angeli, & rationis capaces creaturæ debent humiliter adorare, in spiritu & veritate: ut sint fideles. Infinitas igitur, tibi Deo uni, trino, gratiarum actiones offero hodie, per ora Sacro-Sanctæ Verbi Incarnati Dei-Hominis, & semper Virginis Matris admirabilis, Deiparæ, atque per ora omnium qui Nomen tuum mecum invocant. O Beata Trinitas unus Deus! gratias agimus infinitæ Bonitati tuæ, quia abscondi-

sti hæc maxima fidei Myſteria Sa-
 pientibus & Prudentibus hujus mun-
 di, & revelasti ea parvulis in Christo
 JESU Deo Homine ; qui cum in
 forma Dei eſſet exinanivit ſemetipſum,
 formam ſervi accipiens, & humiliavit
 ſemetipſum factus obediens uſque ad
 mortem, mortem autem Crucis. Pro-
 pter quod & Deus exaltavit illum &
 donavit illi nomen, quod eſt ſuper om-
 ne nomen; ut in Nomine JESU om-
 ne genu ſelectatur, Cœleſtium, Terre-
 ſtrium, & omnis lingua confiteatur,
 quia Dominus JESUS-CHRISTUS
 in gloria eſt Dei Patris.

